

欽定大清會典圖

欽定大清會典事例卷一百三十二

天文二十六 二星三

用水星距太陽前後極遠度求最高及本輪均
輪半徑圖一

用水星距太陽前後極遠度求最高及本輪均
輪半徑圖二

用水星距太陽前後極遠度求最高及本輪均
輪半徑圖三

用水星距太陽前後極遠度求最高及本輪均
輪半徑圖四

水星均數圖

五星交周圖一

五星交周圖二

五星交周圖三

五星交周圖四

五星交周圖五

五星交周圖六

五星伏見圖一


五星伏見圖二

五星伏見圖三


五星伏見圖四




用水星距太陽前後極遠度求最高及本輪均
輪半徑圖一




用水星距太陽前後極遠度求最高及本輪均
輪半徑圖二



用水星距太陽前後極遠度求最高及本輪均
輪半徑圖三



用水星距太陽前後極遠度求最高及本輪均
輪半徑圖四



測水星兩心差之法。與金星同。其行旋繞太陽。不得與太陽衝。亦須測其距太陽前後極遠之度。先得最高所在。而後得兩心差。西人第谷測得最高在析木宮初度一十分一十七秒。每年最高行一分四十五秒一十四微。定兩心差為本天半徑千萬分之六十八萬二千一百五十五。本輪半徑為五十六萬七千五百二十三。比六分之五微小。均輪半徑為一十一萬四千六百三十二。比六分之一微大。又案西人多錄某。於漢永和三年戊寅。測得最高在壽星宮一十度一十五分。兩心差為本天半徑十萬分之九



千四百零七。取其六分之五。為木輪半徑。六
分之一。為均輪半徑。今第谷所測。則明萬曆
十三年。用其數推算均數。與天行密合。今仍
已商也。用其數。求最高之法。用晨夕兩測。取其平
行實行之大差相等者用之。如第一圖。第一
次晨測。得水星實行在壽星宮一十度一十
五分一十四秒。如甲。太陽平行在壽星宮二
十九度三十二分。即水星之平行如乙。甲乙
弧一十九度一十六分四十六秒。為平行實
行之大差。第二次夕測。得水星實行在星紀
宮二十七度一十二分四十六秒。如丙。太陽

平行在星紀宮七度五十六分。即水星之平行如丁。丁丙弧亦一十九度一十六分四十六秒。為平行實行之大差。兩測平行實行之大差既等。則最高最卑綫必在兩平行宮度之中。試取乙丁兩平行相距之弧折半於戊。如第二圖。從戊過地心己至庚作戊庚綫。即為最高最卑綫。而不同心天之心。必在此綫之上。乃於戊庚綫上任取辛點為心。作壬癸子丑不同心天。復從辛點作壬辛丑辛兩綫。與乙己丁己平行。即以壬丑兩點各為心。作兩次

輪。切己甲綫於寅。切己丙綫於卯。第一次晨測

時。次輪心循不同心天行至壬。以太陽平行計

之。當恆星天之乙。

乙距戊之度與壬距辰之度等。

故乙點為平

行。星循次輪周行至寅。從地心已計之。當恆星

天之甲。故甲點為實行。甲乙相距之一十九度

一十六分四十六秒。即癸己寅角。第二次夕測

時。次輪心循不同心天行至丑。以太陽平行計

之。當恆星天之丁。

丁距戊之度與丑距辰之度等。

故丁點為平

行。星循次輪周行至卯。從地心已計之。當恆星

天之丙。故丙點為實行。丁丙相距之一十九度

一十六分四十六秒。即子己卯角。此癸己寅及
子己卯兩角之大小。因平行距最高之遠近而
殊。蓋平行距最高近。則不同心天距地心之綫
長。而角小。平行距最高遠。則不同心天距地心
之綫短。而角大也。今兩己角既相等。則癸己與
子己距地心之兩綫必等。而乙點與丁點距最
高之度亦必等。故以乙點之壽星宮二十九度
三十二分。與丁點之星紀宮七度五十六分相
加折半。得析木宮三度四十四分。如戊。其衝為
實沈宮三度四十四分。如庚。得戊庚為最高最

卑之綫也。欲定其孰為最高。須再測之。如第三圖。再用晨測。得水星實行在鶉首宮一十六度四十二分五十四秒。如巳。太陽平行在鶉火宮六度三十分。如午。巳午弧一十九度四十七分零六秒。為平行實行之大差。試從辛點作辛未綫。與巳午平行。即以未點為心。作次輪。切巳巳綫於申。次輪心循不同心天行至未。以太陽平行計之。當恆星天之午。故午點為平行星循次輪周行至申。從地心巳計之。當恆星天之巳。故巳點為實行。巳午相距之一十九度四十七分。

零六秒。即酉己申角。比前所測癸己寅角多三十分二十秒。夫先測之平行乙點距析木宮戊點近。而平行實行之差少。是近最高而差角小也。後測之平行午點距析木宮戊點遠。而平行實行之差多。是遠最高而差角大也。然則析木宮戊點為最高。而實沈宮庚點為最卑。可知矣。至求兩心差之法。亦用兩測。擇其平行度。一當最高。一當最卑。而距太陽極遠者用之。如第四圖。太陽平行在析木宮三度。正當水星最高之點。如戊。於時測得水星實行為析木宮二十三

度四十八分三十二秒如甲。其平行實行之差。為二十度四十八分三十二秒。即甲己戌角。又於太陽平行在實沈宮三度。亦正當水星最卑之點如庚。於時測得水星實行為大梁宮八度五十八分。如乙。其平行實行之差。為二十四度零二分。即乙己庚角。乃以戌點為心。切己甲綫於丙。庚點為心。切己乙綫於丁。各作一水星次輪。又從戌點至丙。庚點至丁。作兩半徑。即成己丙戌。己丁庚。兩直角三角形。用己丙戌直角三角形。求戌己邊。此形有丙直角。有己角二十度。

四十八分三十二秒。命戊丙半徑為一〇〇〇。
〇〇〇〇。求得戊己邊二八一四九〇三二。又
用己丁庚直角三角形。求己庚邊。此形有丁直
角。有己角二十四度零二分。命庚丁半徑為一
〇〇〇〇〇〇。求得己庚邊二四五五三八
五〇。以戊己與己庚相加。得戊庚五二七〇二
八八二。為本天全徑半之得。戊辛或辛庚二六
三五。一四四一。為本天半徑。辛庚半徑內減去
己庚二四五五三八五〇。餘辛己一七九七五
九一。為兩心差。乃用比例法。變先所得之本天

半徑為同比例數。以先所得之本天半徑二六
三五一四四一。與先所得之兩心差一七九七
五九一之比。即同於今所設之本天半徑一〇
〇〇〇〇〇〇。與今所得之兩心差之比。而得
六八二一六〇。為兩心差也。

水星均數圖




水星周率一百一十五日八十四刻五分一
十二秒五十一微一十五纖五十忽二十四
芒而行次輪一周。每日在次輪周平行三度
零六分二十四秒零六微五十九纖二十九
忽二十二芒。名伏見行最高戊。每年行一分
四十五秒一十四微。兩心差為本天半徑一
千萬之六十八萬二千一百五十五。如庚子
加戊丙子數。本輪半徑五十六萬七千五百
二十三。如丙戌均輪半徑一十一萬四千六
百三十二。如庚子次輪半徑三百八十五萬。如壬

丑寅為平遠。卯為平近。次輪心。從均輪最遠庚。右旋為三倍引數。星從次輪平遠寅。右旋行伏見度。設自行初宮初度。平遠與最遠合。平近與最近合。與戊甲同一直綫。無均數。如均輪心。從最高戊行一百一十度。至子。為自行三宮二十度。次輪心。則從均輪最遠庚行三百三十度。至丑。從地心甲計之。當本天之辰。丙甲辰角。為初均數。求之之法。先用丑丙子三角形。求得丙角度。丙丑邊。以丙角度減子丙己角。餘丑丙己角。乃用丙甲丑三角形。求得甲角三度三十四分。


二十六秒。即辰丙弧為初均數。是為減差。以減
平行得實行。平遠寅距最遠壬之寅丑壬角。與
初均數等。如星從平遠寅行三百五十六度二
十五分三十四秒。正當最遠壬。或行一百七十
六度二十五分三十四秒。正當最近癸。則與次
輪心丑同在一直綫。無次均數。若星從平遠寅
行二百度至巳。則於寅癸巳弧加壬寅弧。即初
均數。得壬寅癸卯巳弧二百零三度三十四分
二十六秒。為星距次輪最遠之度。從地心甲計
之。當本天之午辰甲午角。即次均數用丑甲巳

三角形求得甲角一十三度五十五分四十四秒。即午辰弧為次均數。以與初均辰丙弧相加。得午丙弧一十七度三十分一十秒。為實行不及平行之度。是為減差。以減平行得實行。


卷之四



五星交周圖二



五星交周圖三



五星之行交於黃道亦如白道之有正交中
交而太陰之交逆行五星之交順行土木火
三星自有本道與黃道斜交適當交點無距
緯交後便生距緯金水二星即以黃道為本
道無交點亦無距緯而緯度生於次輪次輪
之面不與本道平行星行次輪周凡離本道
者皆生緯度此又非獨金水二星為然即土
本火三星亦然也就土木火三星觀之甲為
地心乙丙丁戊為黃道乙巳丁庚為星本道
丙巳戊庚為過二極經圈星本道之乙巳丁

半周在黃道北。丁庚乙半周在黃道南。乙為
正交。丁為中交。己丙與戊庚為大距。當乙丁二
交角。土星為二度三十一分。木星為一度一十
九分四十秒。火星為一度五十分。乙丁為交綫。
己庚為大距綫。辛壬癸子為次輪。其面與本道
斜交。本道上均有本輪均輪。而次輪心在均輪周。
然本輪均輪皆與本道成一平面。自地心
作視綫。與本道參直。故止將而與黃道平行。辛
次輪畫於本道。以便觀覽。壬癸半周在本道南。低於本道之下。癸子半周在本
道北。昂於本道之上。其辛癸經綫。恆當本道之平面。而
與乙丁交綫平行。名之曰樞綫。樞綫之辛癸兩


端。自地心甲視之。恆當本道。故與本道成兩交點。名之曰次交點。辛為次輪正交。癸為次輪中交。其壬子徑綫。恆與本道面斜交。壬子綫本在兩交之中。因與本道斜交。非平行面。故作旁視之形。以顯交角。若與本道面平行作丑寅綫。則壬己丑及寅己子諸角。即次輪面與本道面斜交之角。與二道之交角等。其壬子二點距本道最大。故壬子綫名次輪大距綫。次輪心在本道乙丁兩交點。則無本道距黃道之緯度。次輪心在己。或在庚。則本道距黃道之緯度極大。星在次輪辛癸兩交點。則無星距本道之

緯度星在壬或在子。則星距本道之緯度極大。然星距次輪兩交之度。實由次輪心距本道兩交之度而知。蓋土木火三星行次輪周。皆自合伏起算。即次輪最近而合伏距次輪正交之度。即與次輪心距本道正交之度等。試自地心過次輪心作卯辰遠近綫。卯為合伏時星當本道視綫點。辰為退衝時星當本道視綫點。次輪心行至本道正交乙。則合伏所當本道視綫卯點與次輪正交辛點合。次輪心行至本道中交丁。則合伏所當本道視綫卯點與次輪中交癸點合。次


輪心行至本道大距己。距正交乙九十度。則合
伏所當本道視線卯點。距次輪正交辛點亦九
十度。次輪心行至本道大距庚。距中交丁九十
度。則合伏所當本道視線卯點。距次輪中交癸
點亦九十度。若次輪心距本道正交乙行四十
五度至己。則合伏所當本道視線卯點。距次輪
正交辛點亦四十五度。是知次輪心距本道正
交之度。即合伏距次輪正交之度。以星距合伏
之度與次輪心距本道正交之度相加。即得星
距次輪正交之度。故本道之乙丁兩交點為緯

度起算之端也土木火三星緯度次輪心在兩
交之中星又在次輪最近其視緯極大土星北
緯二度四十八分南緯二度四十九分木星北
緯一度三十八分南緯一度四十分火星北緯
四度三十一分南緯六度四十七分

五星交周圖四



五星交周圖五



五星交周圖六



就金水二星觀之。甲為地心。乙丙丁戊為星
本道。即黃道。丙戊為過黃極經圈。本道與黃
道既為一體。故無二道之交。亦無相距之緯。
辛壬癸子為次輪。與黃道斜交。辛壬癸半周
在黃道北。昂於黃道之上。癸子辛半周在黃道南。低於黃道之下。其辛癸徑綫。恆當黃道之平面。任次輪
心在黃道之何處。其辛癸徑綫皆相為平行。
亦名之曰樞綫。樞綫之辛癸兩端。自地心甲
視之。恆當黃道。故與黃道成兩交點。亦名之
曰次交點。辛為次輪正交。癸為次輪中交。固半

點為自黃道南過黃道北之點。故名正交。癸點為自黃道北過黃道南之點。故名中交。與土木火三星之本道兩交。

點相應。與次交點相反。

其壬子徑綫恆與黃道面斜交。壬子綫本在兩交之中。因與黃道斜交。非平行而故作旁視之形。以顯交

角。若與黃道面平作作丑寅綫。則丑丙壬及寅

丙子諸角。即次輪面與黃道面斜交之角。其壬

子二點距黃道最大。故壬子綫亦名次輪大距

綫。星在次輪辛癸兩交點。則無星距黃道之緯

度。星在手或在子。則星距黃道之緯度極大。然


金水二星行次輪周。自平遠起算。而求次均與

緯度。皆自最遠起算。其距次交點之度無由而

知。故與樞綫平行作乙丁徑綫。亦名曰交綫。又
自地心過次輪心作卯辰遠近綫。卯為最遠時
星。當本道視綫點。辰為最近時星。當本道視綫
點。次輪心行至交綫乙。則最遠所當本道視綫
卯點。與次輪正交辛點合。次輪心行至交綫丁。
則最遠所當本道視綫卯點。與次輪中交癸點
合。次輪心距交綫乙行九十度至丙。則最遠所
當本道視綫卯點。距次輪正交辛點亦九十度。
次輪心距交綫丁行九十度至戊。則最遠所當
本道視綫卯點。距次輪中交癸點亦九十度。若

次輪心距交綫乙行四十五度至巳則最遠所
當本道視線卯點距次輪正交辛點亦四十五
度故乙點亦命為正交丁點亦命為中交丙戊
二點亦命為大距所以紀次輪最遠距次交點
之度而為緯度起算之端其實無本道之交周
點也金水二星緯度次輪心在兩交之中星在
次輪最近其緯度極大金星九度零二分水星
三度三十三分南北皆等。

五星伏見圖一



五星近太陽則伏。遠太陽則見。而伏見遲速之故有三。一由星體之大小。一由黃道之斜正。一由緯度之南北。星體大。黃道正升正降。緯度在北。則速見遲伏。星體小。黃道斜升斜降。緯度在南。則遲見速伏。要皆視太陽在地平下之度為準。蓋五星之體。金星最大。木水二星次之。土星又次之。火星最小。星體大。則太陽在地平下之度少。即可見。星體小。則太陽在地平下之度多。方可見。西人多祿某。測得五星當太陽在地平下之度。金星則五度。木

星水星則一十度。土星則一十一度。火星則一十一度三十分。以此為伏見之限。如圖甲乙丙丁為過黃極經圈。甲為天頂。乙丁為地平。戊為黃極。己庚辛為黃道。庚為星當地平。又正當黃道無緯度。壬為太陽。癸壬為太陽距地平之度。即伏見之限。如庚為金星。則癸壬為五度。庚為木星。水星則癸壬為一十度。庚為土星。則癸壬為一十一度。庚為火星。則癸壬為一十一度三十分。用庚癸壬正弧三角形。此形有癸壬弧。有癸直角。有庚角。為黃道交地平之角。


知庚點為黃道之某

宮某座即可求黃道
與地平相交之角

求得庚壬弧即星在黃道


上距太陽伏見之限星距太陽之黃道度大於
庚壬弧則見小於庚壬弧則伏癸壬弧五星既
各不等則庚壬弧亦不等此因星體之大小而
為伏見之遲速者也

五星伏見圖二




如圖○癸壬伏見限五星各有定數而庚角則
時時不同○設黃道斜升斜降如子丑則庚角
小○庚壬弧轉大○設黃道正升正降如寅卯則
庚角大○庚壬弧轉小○此因黃道之斜正而為
伏見之遲速者也○

五星伏見圖三



五星伏見圖四



星或在黃道北如辰。其距緯為辰庚。其經度仍在庚。正當地平。而星已在地平之上。則庚壬弧不足以定伏見之限。試作辰己距等圈。交地平於己。從黃極戊過己作經圈。截黃道於午。則午壬弧為星距太陽伏見之限。如第三圖。用庚己午正弧三角形。此形有午直角。有庚角。為黃道交地平之角。有己午距緯。與辰庚等。求得庚午弧。與庚壬弧相減。餘午壬弧。為伏見之限。星在辰。其距太陽之黃道厚大於午壬弧。則見。小於午壬弧。則伏也。又星或在黃道

南如未。其距緯為庚未。其經度仍在庚。正當地
平。而星尚在地平之下。則庚壬弧亦不足以定
伏見之限。試作未申距等圈交地平於申。從黃
極戊至申作經圈。截黃道於酉。則酉壬弧為星
距太陽伏見之限。如第四圖。用庚申酉正弧三
角形。此形有酉直角。有庚角。為黃道交地平之
角。有酉申距緯與庚未等。求得酉庚弧。與庚壬
弧相加。得酉壬弧。為伏見之限。星在未。其距太
陽之黃道度大於酉壬弧則見。小於酉壬弧則
伏也。此因緯度之南北而為伏見之遲速者也。

欽定大清會典圖卷一百三十三

天文二十七算術一

句股圖一 面積及和較

句股圖二 句股弦相求一

句股圖三 句股弦相求

句股圖四 和較相求一

句股圖五 和較相求二

句股圖六 和較相求三

句股圖七 求中垂綫

句股圖八 求內容圓徑

句股圖九 求內容方邊

平方圖

帶縱平方圖

立方圖

比例圖一 四率


比例圖二 三率

比例圖三 同式形

比例圖四 合用省算

句股圖一

面積及和較




句股形即直角三角形。但不用角度。則為句股法。其形為長方形之半。如甲乙丁丙長方形。於乙丙二角作斜綫。成兩句股形。短者為句。如甲乙。長者為股。如丙甲。斜者為弦。如丙乙。甲必直角。乙與丙皆銳角。句股形面積為長方形積之半。句股相乘為長方積半之。即句股面積。句與股之較為句股較。句與弦之較為句弦較。股與弦之較為股弦較。句與股之和為句股和。句與弦之和為句弦和。股與弦之和為股弦和。句與股弦和之較為句和。

較即股較和。即弦較和。股與句弦和之較。為股
和較。即句較和。即弦較較。弦與句股和之較。為
弦和較。即句較較。即股較較。句與股弦較之較。
為句較較。即弦和較。即股較較。股與句弦較之
較。為股較較。即弦和較。即句較較。弦與句股較
之較。為弦較較。即句較和。即股和較。句與股弦
較之和。為句較和。即股和較。即弦較較。股與句
弦較之和。為股較和。即句和較。即弦較和。弦與
句股較之和。為弦較和。即句和較。即股較和。句
股弦三者之和。為總和。凡兩數相減之餘數曰

較兩數相加之共數曰和。

句股圖二

句股弦相求一



句股弦三者知其二可求其一和較相求亦知其二可求其餘句股求弦句股各自乘相併開平方得弦句弦求股句弦各自乘相減開平方得股股弦求句股弦各自乘相減開平方得句此因弦自乘正方積內兼有句自乘股自乘之兩正方積故也如句甲乙自乘為甲乙己庚正方積股丙甲亦即壬庚自乘為壬庚辛丁正方積弦丙乙自乘為丙乙戊丁正方積弦方內有句股較自乘積一如癸己為句股較癸己辛子為其自乘方句股面

積四。如丁子丙及丙癸乙。及乙己戊。及戊辛丁。
四句股面積。而句方甲乙己庚。股方壬庚辛丁。
兩形內。亦有句股較自乘積一。如癸己辛子方。
句股面積四。如丁子丙。及丙壬丁。甲乙丙。及丙
癸乙。四句股面積。是弦方與句股兩方積。適相
等也。故句股兩方相併。為弦方。弦方內減句方。
餘股方。減股方。餘句方。


句股求弦又法。句股相減。餘句股較。句股相乘。
倍之。較自乘。併之。開平方。得弦。此亦因弦自乘
方內。兼有句股較自乘積一。句股面積四之故。

也。句股相乘為句股面積二倍之。為句股面積
四。

又法。句股相減。餘句股較。句股相加。得句股和。
和較各自乘。相併。半之。開平方。得弦。此因句股
和自乘方內。共有句股較自乘積一。句股面積
八之故也。和如壬甲。自乘為壬甲寅丑方。加一
較自乘癸己辛子方。則為較自乘積二。句股面
積八。是為弦方二也。故半之。為弦方。

句股圖三

句股弦相求二




句弦求股又法句弦相減餘句弦較句弦相加
得句弦和和較相乘開平方得股凡股自乘積
即句弦較與句弦和相乘之長方積句如丑戌
弦如子戌較如子丑和如子未相乘為子未午
丑長方積即子申辰卯寅丑磬折形積即為股
自乘積蓋子申辰戌為弦方內減丑寅卯戌句
方則餘即股自乘方積也

股弦求句又法股弦相減餘股弦較股弦相加
得股弦和和較相乘開平方得句此與句弦求
股同理以丑戌為股則子丑為股弦較子未為

股弦和。丑寅卯戌為股方。磬折形為句自乘方積。凡句自乘積即股弦較與股弦和相乘之長方積也。

句股圖四 和較相求一



句及股弦較。求股弦。句自乘較除之。得股弦。
和減較。餘半之。得股。加較。得弦。子申辰戌為
弦。自乘。丑寅卯戌為股。自乘。子申辰卯寅丑
磬折形為句。自乘。積以申未午己當寅己辰
卯。則變磬折形為長方形。以子丑股弦較除
之。得股弦。和子未。內減較。酉申。與子丑等。餘子
酉及申未兩股。折半。得子酉股。加酉申較。得子
申弦。

又法。較自乘。句自乘。相減。餘倍較。除之。得股。加
較。得弦。較自乘。為酉申己寅方。以減句。自乘。積

磬折形。餘子酉寅丑及寅巳辰卯兩長方積倍
酉寅較為酉寅及寅巳之共數除之。得子酉即
股。

句及股弦和求股弦。句自乘和除之。得股弦較。
減和餘半之。得股加較。得弦。子未午丑為句自
乘積。則子丑較除之。而得子未和者。子未和除
之。得子丑較。即酉申較也。

又法。句自乘和自乘相加半之。以和除之。得弦。
減較。得股。句自乘為子未午丑形。股為丑戌弦。
為戌庚與子戌等。股弦和為丑庚。自乘得丑午。

辛庚正方與句自乘積相併為子未辛庚長方形折半闊仍子未股弦和長為子戌即弦股弦和子未除之得弦子戌


股及句弦較求句弦股自乘較除之得句弦和減較餘半之得句加較得弦此即句及股弦較求股弦之理以磬折形為股自乘積則子丑為句弦較子未為句弦和子酉為句

又法較自乘股自乘相減餘倍較除之得句加較得弦此亦句及股弦較求股弦又法之理股及句弦和求句弦股自乘和除之得句弦較

減和餘半之得句。加較得弦。此即句及股弦和求股弦之理。

又法股自乘和自乘。相加半之以和除之得弦。減較得句。此即句及股弦和求股弦又法之理。以子未午丑為股。自乘積則丑午辛庚為句。弦和自乘積。子未為句。弦和丑戌為句。

句股圖五 和較相求二




弦及句股較。求句股。弦自乘。倍之。較自乘。減
之餘。開平方。得句股和。減較。餘半之。得句。加
較。得股。此卽句股求弦第二法之理。弦自乘。
甲乙丙丁方內。有句股面積四。句股較自乘。
方一。倍之。為面積八。較方二。減一。較方。餘面
積八。較方一。卽句股和戊辛。自乘之。戊辛庚
己方。句股和內減較。如丑寅。餘如乙丑。及卯
丁兩句。折半。為乙丑句。加較。為乙寅股。弦及
句股和。求句股。弦自乘。倍之。和自乘。減之餘。
開平方。得句股較。減和。餘半之。得句。加較。得

股。弦。自。乘。方。倍。之。為。面。積。八。較。方。二。以。和。自。乘。
方。減。之。則。餘。較。方。一。也。

句股圖六

和較相求三



句弦較股弦較求句股弦。句弦較股弦較相
乘倍之。開平方得弦和較。加股弦較得句。加
句弦較得股。以句加句弦較得弦。如甲乙丙
句股形。以丙為心。甲丙弦為半徑。作戊甲丁
半圓。自甲至戊至丁。作甲戊甲丁二綫。引長
戊丁至辛。令乙辛等。甲乙股。隨作甲乙辛己
股方。引長辛己戊甲二綫。相遇於庚。則己庚
等。句弦較乙丁。庚辛即弦較和。句股弦總和
為戊辛。又作甲乙丙形三角之分角綫。必相
會於壬。壬即句股容圓心。自壬作句股弦之

垂綫壬癸壬丑壬子則乙丑等乙癸甲丑等甲
子丙子等丙癸丙子丙癸和等於弦較較丙癸
即等半弦較較壬丙既為甲角分角綫壬丙子
角壬丙癸角二角必等甲丙乙角為甲丙戊之
外角必等於戊甲丙丙戊甲二角之和而丙戊
甲角丙甲戊角原等故壬丙癸角必等丙戊甲
角壬丙必與甲乙平行則壬癸丙甲乙戊甲乙
丁庚辛戊皆為同式句股形可為相當比例用
壬癸丙甲乙丁同式形以甲乙丁形之句乙丁
即甲乙丙形與句股較之即甲乙丙形之比同於

壬癸丙形之倍句。即倍壬癸為甲乙與倍句股

較。即甲乙丙形之比則倍句弦較乘股弦較必

等於弦和較方。故有句弦較股弦較求句股弦。

以句弦較股弦較相乘。倍之。開平方。得弦和較。

依法加之。得句股弦。又句弦較股弦較相乘之。

倍積。既等於弦和較方。以弦和較方之半為長。

方積。其闊為股弦較。其長為句弦較。長闊之較。

必為句股較。故有句股較弦和較求句股弦。仍

按此比例。以弦和較自乘。半之。為長方積。句股

較為長闊較。依較數開方。又法。得闊為股弦較。

長為句弦較。依法加之。得句股弦。

句弦和股弦較。求句股弦。句弦和股弦較。相乘。

倍之。開平方。得弦較較。以減股弦較。得句。句弦。

和減弦較較。得股。股加股弦較。得弦。用甲乙戊。

壬癸丙。二形。以甲乙戊形之股乙戊。即甲乙丙

和。與句股較。即甲乙丙形之比。同於壬癸丙形。

之倍股。即形倍丙癸為甲乙與倍句股較。即甲乙

倍股之比。則倍句弦和乘股弦較。必等於弦較。

較方。故有句弦和股弦較。求句股弦。以句弦和。

股弦較相乘。倍之。開平方。得弦較較。加減。即得。

句股弦。又句弦和股弦較相乘之倍積。既等於
弦較較方。以弦較較方之半為長方積。其闊為
股弦較。其長為句弦和。長闊之較。必為句股和。
故有句股和。弦較較。求句股弦。仍按此比例。以
弦較較自乘。半之。為長方積。句股和為長闊較。
依較數開方。又法。得闊為股弦較。長為句弦和。
加減之。而得句股弦。

股弦和。句弦較。求句股弦。股弦和。句弦較。相乘。
倍之。開平方。得弦較和。以減股弦和。得句弦較。
和減句弦較。得股。句加句弦較。得弦。用甲乙丁

庚辛戊二形以庚辛戊形之句股和即甲乙丙形之倍股

和弦與句股辛即甲乙丙形之比同於甲乙丁形

之句股和即甲乙丙形與句乙丁即甲乙丙形

之比則倍股弦和乘句弦較必等於弦較和方

故有股弦和句弦較求句股弦以股弦和句弦

較相乘倍之開平方得弦較和加減即得句股

弦又股弦和句弦較相乘之倍積既等於弦較

和方以弦較和方之半為長方積其闊為句弦

較其長為股弦和長闊之較必為句股和故有

句股和弦較和求句股弦仍按此比例以弦較

和自乘半之為長方積。句股和為長闊較。依較數開方。又法得闊為句弦較。長為股弦和。加減之。而得句股弦。

句股和。股弦和。求句股弦。句弦和。股弦和。相乘。倍之。開平方。得句股弦總和。內減股弦和。得句。

內減句弦和。得股。句弦和減句。得弦。用庚辛戊。

甲乙戊二形。以庚辛戊形之句股和。即甲乙丙形之倍股

與股辛戊。即甲乙丙形之句股弦總和之比。同於甲乙戊。

形之句股和。即甲乙丙形之句股弦總和與股戊乙。即甲乙丙形之

和句弦之比。則倍句弦和乘股弦和。必等於句股

弦總和方。故有句弦和股弦。求句股弦。以句
弦和股弦。和相乘。倍之。開平方。得句股弦總和。
依法減之。得句股弦。又句弦和股弦。和相乘之。
倍積。既等於句股弦總和方。以句股弦總和方
之半為長方積。其闊為句弦和。其長為股弦和。
長闊之較。必為句股較。故有句股較。句股弦總
和求句股弦。仍按此比例。以句股弦總和自乘。
半之。為長方積。句股較為長闊較。依較數開方。
又法得闊為句弦和。長為股弦和。依法減之。得
句股弦。

股弦較句股弦總和求句股弦股弦較句股弦
總和相乘為長方積股弦較為長闊較依較數
開方又法得闊為句長為弦較較以句股弦總
和內減句得股弦和與股弦較相加半之為弦
相減半之為股用壬癸丙甲乙戊二形以壬癸
丙形之句股較即甲乙丙形之股弦較與句股和即甲乙丙形之
句之比同於甲乙戊形之句股較即甲乙丙形之
與句股和即甲乙丙形之之比則股弦較乘句
股弦總和之長方可易為句乘弦較較之長方
其闊為句其長為弦較較長闊之較即股弦較

故有股弦較。句股弦總和。求句股弦。以股弦較。
句股弦總和。相乘。為長方積。股弦較為長闊較。
依較數開方。又法。得闊為句。長為弦較較。加減
之。而得股弦。

句弦較。句股弦總和。求句股弦。句弦較。句股弦
總和。相乘。為長方積。句弦較為長闊較。依較數
開方。又法。得闊為股。長為弦較和。以句股弦總
和。內減股。得句弦和。與句弦較相加。半之。為弦。
相減。半之。為句。用甲乙丁庚辛戊二形。以甲乙
丁形之句乙丁。即甲乙丙形與股甲乙之比。同

於庚辛戊形之句庚辛

即甲乙丙形之句弦較和

與股辛戊

即甲乙丙形之句股弦總和之比則句弦較乘句股弦總和

之長方可易為股乘弦較和之長方其闊為股其長為弦較和長闊之較為句弦較故有句弦較句股弦總和求句股弦以句弦較句股弦總和相乘為長方積句弦較為長闊較依較數開方又法得闊為股長為弦較和加減之而得句弦

股弦較弦較和求句股弦股弦較弦較和相乘為長方積股弦較為長闊較依較數開方又法

得闊為弦和較長為句以弦和較與弦較和相

加半之為股股加股弦較得弦用壬癸丙庚辛

戊二形以壬癸丙形之句股較即甲乙丙形之股弦較與

句壬癸即甲乙丙形之半弦和較之比同於庚辛戊形之句

股較即甲乙丙形之倍句與句庚辛即甲乙丙形之弦較和之比則

股弦較乘弦較和之長方可易為倍句乘半弦

和較之長方亦即句乘弦和較之長方其闊為

弦和較其長為句長闊之較即股弦較故有股

弦較弦較和求句股弦以股弦較弦較和相乘

為長方積股弦較為長闊較依較數開方又法

得闊為弦和較。長為句。加減之而得股弦。

句弦較。弦較較。求句股弦。句弦較。弦較較。相乘。

為長方積。句弦較為長闊較。依較數開方。又法。

得闊為弦和較。長為股。以弦和較與弦較較相

加半之。為句。句加句弦較得弦。用甲乙丁。壬癸

丙。二形以甲乙丁形之句乙丁。即甲乙丙形之句弦較與

股甲乙之比。同於壬癸丙形之倍句。即倍壬癸為甲乙丙

形之弦與倍股丙形之弦較較之比。則句弦

較乘弦較較之長方。可易為股乘弦和較之長

方。其闊為弦和較。其長為股。長闊之較為句弦。

較故有句弦較。弦較較求句股弦。以句弦較弦較較相乘為長方積。句弦較為長闊較。依較數開方又法得闊為弦和較。長為股。加減之而得句弦。

股弦和弦較較求句股弦。股弦和弦較較相乘為長方積。股弦和為長闊較。依較數開方又法得闊為句。長為句股弦總和。以句股弦總和與弦較較相減半之為股。股弦和減股得弦。用庚辛戌壬癸丙二形以庚辛戌形之句股和。即甲乙丙形之倍與股辛戌。即甲乙丙形之句股弦總和之比。同於壬

癸丙形之句股和。

即甲乙形之句。

丙與股丙癸

即甲乙形之

半弦較

之比。則倍股弦和乘半弦較較之長方。即

股弦和乘弦較較之長方。可易為句乘句股弦

總和之長方。其闊為句。其長為句股弦總和。長

闊之較即股弦和。故有股弦和。弦較較。求句股

弦。以股弦和。弦較較。相乘。為長方積。股弦和為

長闊較。依較數開方又法。得闊為句。長為句股

弦總和。如所減。而得股弦。

句弦和。弦較和。求句股弦。句弦和。弦較和。相乘。

為長方積。句弦和為長闊較。依較數開方又法。

得闊為股。長為句。股弦總和。以句股弦總和。與

弦較和相減。半之。為句。句弦和減句。得弦。用甲

乙戊。甲乙丁。二形。以甲乙戊形之股乙戊。即甲乙丙

形之句與句股和。即甲乙丙形之之比。同於甲

乙丁形之股甲乙。與句股和。即甲乙丙形之之比。

則句弦和乘弦較和之長方。可易為股乘句股

弦總和之長方。其闊為股。其長為句。股弦總和。

長闊之較。即句弦和。故有句弦和。弦較和。求句

股弦。以句弦和。弦較和。相乘。為長方積。句弦和

為長闊較。依較數開方。又法。得闊為股。長為句。

股弦總和如所減而得句弦。

股弦和弦和較求句股弦股弦和弦和較相乘。

為長方積股弦和為長闊和依和數開方又法。

得闊為句長為弦較和以弦較和與弦和較相

加半之為股股弦和減股得弦用庚辛戊壬癸

丙二形以庚辛戊形之句股和即甲乙丙形與

句庚辛即甲乙丙形之比同於壬癸丙形之句

股和即甲乙丙形之比與句壬癸即甲乙丙形之比則

倍股弦和乘半弦和較之長方即股弦和乘弦

和較之長方可易為句乘弦較和之長方其闊

為句。其長為弦較和。長闊之和。為股弦和。故有
股弦和。弦和較。求句股弦。以股弦和。弦和較。相
乘。為長方積。股弦和為長闊和。依和數開方。又
法。得闊為句。長為弦較和。加減之。而得股弦。

句弦和。弦和較。求句股弦。句弦和。弦和較。相乘
為長方積。句弦和為長闊和。依和數開方。又法。

得闊為弦較較。長為股。以弦較較。與弦和較相
加。半之。為句。句弦和減句。得弦。用甲乙戊壬癸


丙二形。以甲乙戊形之股乙戊。即甲乙丙形與

句甲乙。即甲乙丙形之股乙戊。之比。同於壬癸丙形之倍股。

丙即倍丙弦較為甲乙與倍句丙即倍壬癸為甲乙之

比則句弦和乘弦和較之長方可易為股乘弦較較之長方其闊為弦較較其長為股長闊之和即句弦和故有句弦和弦和較求句股弦以句弦和弦和較相乘為長方積句弦和為長闊和依和數開方又法得闊為弦較較長為股加減之而得句弦


句股圖七 求中垂線



句股弦求中垂綫用四率比例以弦為一率
句為二率股為三率得四率即中垂綫句如
甲乙股如甲丙弦如乙丙中垂綫為甲丁甲
丁綫分乙丙弦為兩段則成丙丁甲甲丁乙
兩句股形與甲乙丙句股形皆為同式乙丙
弦與甲乙句之比同於甲丙弦與甲丁句之
比也如求分底段丙丁及乙丁之數則用三
率比例乙丙弦為首率甲丙股為中率得末
率為丙丁若乙丙弦為首率甲乙句為中率
則得末率為乙丁乙丙與甲丙之比同於甲丙


與丙丁之比亦即同於甲乙與乙丁之比。又丙
丁與甲丁之比亦即同於甲丁與乙丁之比。皆
為相連比例。蓋凡正圓形內作全徑乙丙綫。任
取一處如甲。作甲丙。甲乙。二綫。又各作平行乙
戊。戊丙。二綫。則成圓容長方形。而徑綫乙丙對
角斜分為兩句股形。弦即乙丙徑。句為甲乙。股
為甲丙。中垂綫為甲乙弧之正弦。分底小段乙
丁。為正矢。大段丙丁。為丙甲弧之大矢。大小段
丙丁。乙丁。為首末率。則中垂綫為中率。此即大
小矢與正弦相求之理也。

勾股圖八
求內容圓徑



句股弦求內容圓徑以句股相加內減弦即得
句如甲乙股如丙甲弦如丙乙丙甲乙句股形
內容圓心己自己作己甲己乙己丙三線又作
己戊己丁己庚三垂綫則乙戊與乙庚等丙戊
與丙丁等甲丁於甲庚等丙乙弦即等於丙丁
乙庚二段比丙甲甲乙相併之句股和所少者
止甲丁甲庚二段而甲丁申庚同為圓之半徑
故以丙甲股甲乙句相加內減弦所得之弦和
較即內容圓徑也


句股圖九 求內容方邊



此圖與前圖同，惟此圖中，

句股求內容方邊。句股和為一率。股為二率。句為三率。得四率。即內容方邊。句如甲乙。股如甲丙。弦如乙丙。內容方邊為戊丁。等戊己。將乙甲句引長。令甲庚等甲丙。則乙庚為句股和。自庚與甲丙股平行。作庚壬綫。又將乙丙弦引長至壬。成乙庚壬句股形。與原形乙甲丙同式。復自丙與乙庚平行。作丙辛綫。成丙辛庚甲正方形。即乙庚壬形所容之方。故乙庚壬形之乙庚句與甲丙方邊之比。同於乙甲丙形之乙甲句與丁戊方邊之比也。

平方圖





平方者有長有闊而無高者也。長闊相等為正。方開平方者。開正。方與自乘相反。自乘以正。方邊求其積。開平方以正。方積求其邊也。凡平方邊一位者。積二位。如邊十則積百。積萬則邊百也。以初商。次商。三商。逐次求之。設積有千百十單四位。則應商二次。以千百二位。積商得初商邊。以十單二位。積商得次商邊。初商之邊如甲乙。以之自乘為初商正。方形積。如甲乙丙丁。次商之邊如乙戊。其積罄折形。如丁丙乙戊己庚。次商有兩廉一隅。蓋既得初商。

甲乙以其積減原積而積尚有餘。當有次商。未知次商應加幾何。則以初商之邊倍之。如乙丙與丙丁為兩廉。以除餘積。得乙戊。以乙戊乘兩廉乙丙丙丁。為兩廉長方積。以乙戊自乘。為一隅正方積。併兩廉一隅之積。為次商磬折形積。以減餘積。適足其數。即或尚有餘積。已不滿初商倍廉之長數。則次商不能更大。即定乙戊為若干。合初商次商為幾十幾。若積有五六位。則有三商。積有七八位。則有四商。初商而外。每商皆有兩廉一隅。皆倍已得之邊為兩廉之長。以

除得之數為一隅之邊。以除得數統乘之。與先廉。又以一隅之邊。自乘而相併者同。即為每商之積。減餘積。知其適足否也。


帶縱平方圖



長方形為帶縱方。縱者長多於闊者也。如甲乙己戊正方形。又加一戊己丙丁形。而為甲乙丙丁長方。則為帶縱方。甲乙闊比甲丁長所少之數為較。如戊丁甲乙闊與甲丁長相併之數為和。如甲丁丁丙之共數。即甲庚有以較數開方者。設甲乙丙丁長方積若干。長闊較戊丁若干。求甲丁長甲乙闊各若干。則用加縱開方。有以和數開方者。設甲乙丙丁長方積若干。長闊和甲丁丁丙共數若干。求甲丁長甲乙闊各若干。則用減縱益積開方。而其

簡法。則仍用開正方法。以長方積四因之。有較數者。較自乘。併之。開平方。得長闊和。有和數者。和自乘。內減四因長方積餘開平方。得長闊較。和內減較餘半之。得闊加較得長。長闊和如甲庚。其自乘。如甲庚辛壬方。內為長方積四較己丙自乘己丙卯丑方一。故以四因長方積加較方積。即為和自乘方。開得和。以四因長方積減和方積。即為較自乘方。開得較也。既得和較兩數。則加減而得長闊。

立方圖



立方有長有闊有高。長闊高三者俱等。為正立方。開立方者。開正立方也。與自乘再乘相反。自乘再乘以正立方。邊求其體積。開立方以正立方體積求其邊也。凡立方邊一位者。積三位。如邊十則積千。積百萬則邊百也。亦以初商次商三商。逐次求之。設積有十萬萬千百十單六位。則應商二次。以十萬萬千三位積。商得初商邊。以百十單三位積。商得次商邊。初商之邊如己辰。與卯辰卯寅壬申子酉俱等。以之自乘再乘。為初商正立方體積。長如己辰。闊


如卯辰高如壬申。次商之邊如辰甲與丁午丁未午壬寅戊戌丑俱等其積為平廉三如己辰卯寅及辛乙申壬及丑子酉庚三扁方體其厚皆如午壬。又長廉三如午甲及未戌及癸丙三長方體其闊其厚皆如午壬。又隅一如未卯午壬癸子立方體其邊皆如午壬。午壬即次商邊辰甲之數。蓋既得初商己辰以其積減原積尚有餘。當有次商。未知次商應加幾何。則以初商之邊自乘三因之為三平廉面積以初商之邊三因之為三長廉長數以除餘積取畧小數如

辰甲以辰甲為一隅之邊併三長廉數即以辰
甲乘之為三長廉及一隅之面積併三平廉面
積又以辰甲乘之為三平廉三長廉一隅體積
即次商應減之積以減餘積適足其數或所餘
無多則即定次商辰甲為若干合初商次商為
幾十幾若積有七八九位則有三商積有十一
二位則有四商初商而外每商皆有三平廉三
長廉一隅立方帶縱有帶一縱者高闊等長不等有帶
兩縱者高闊等長不等亦各有較數和數之法而為推
步所不必用法不具列

比例圖

一 四率

一率 二率 三率 四率



相乘

相乘

乙相乘


丁相乘

二數相等

比例有相當比例有相連比例。用四率者為相當比例。用三率者為相連比例。四率比例皆二三率相乘一率除之得四率。一率與二率之比同於三率與四率之比為相當比例也。蓋二三率相乘數與一四率相乘數等。故以二三率相乘數一率除之則得四率。若四率除之則得一率也。又若以一四率相乘數二率除之則得三率。三率除之則得二率也。用之者則皆以比所知之數為一率。如甲比所求之數為二率。如乙所知之數為三率。如丙所

求之數為四率。如丁。此為四率數不相同。而所知與所求彼此相當者也。若二率與三率同數。則二三率相乘。即為中率自乘。而成相連比例。

比例圖二 三率




相乘

甲相乘
丁相乘
戊相乘即自乘

二數相等

三率比例。皆中率自乘。首率除之。得末率。首率與中率之比。同與中率與末率之比。為相連比例也。蓋中率自乘數。與首末率相乘數等。以中率自乘數。首率除之。得末率。若末率除之。亦得首率也。而中率之自乘。原為二三率數同而然。數同者相乘。即自乘。因首率之與二率同於三率之與四率。而三率即同於二率。則其數相連。推至若干率遞相連者。皆可比。隔位取之。即為相當比例。二者之理一也。

比例圖三 同式形



一四率相乘。二三率相乘。兩數所以必等者。由於同式形之故。一率如甲子。二率如乙子。三率如丙子。四率如丁子。甲子之比乙子。同於丙子之比丁子也。而二率乙子與三率丙子相乘。為乙子丙寅形。一率甲子與四率丁子相乘。為甲子丁卯形。兩形之積。何以必等。試作辰子對角斜綫。分辰丁子乙長方形。為兩句股形。則甲丑子與子丑丙相等。寅辰丑與丑辰卯相等。而乙寅丑甲長方形與丑卯丁丙長方形亦必相等。甲子丁卯形與乙子丙

寅形相抵。一多一乙寅丑甲形。一多一丑卯丁
丙形。兩形既相等。則甲子丁卯。與乙子丙寅。兩
形亦必等也。蓋一率甲子如句。二率乙子為大
句。三率丙子如股。四率丁子為大股。皆以辰丑
子綫為弦。是兩句股同式也。故小句比大句。同
於小股比大股。而其理相通也。

比例圖四 合用省算

一率 二

二率 四

三率 六

四率 一二

一率 五

二率 二〇

三率 一二

四率 四八

相乘二四。一率二除之
得四率一二

合之

相乘二四。一率五除之
得四率四八

一率

前一率二相乘一〇
後一率五相乘一〇

二率

前二率四相乘八〇
後二率二〇相乘八〇

三率

前三率六相乘七二
後三率一二相乘七二

四率

前四率一二相乘五七六
後四率四八相乘五七六

合。相乘四八。一率一〇除之
得四率四八

比例有連用兩次。而以第一次之四率為第二次之三率者。如第一次以二為一率。四為二率。六為三率。得四率為一十二。而第二次以五為一率。二十為二率。即以第一次所得之四率一十二為三率。則得四率為四十八也。合而用之。以兩一率相乘一十為一率。兩二率相乘八十為二率。兩三率相乘七十二為三率。則得四率五百七十六。為兩四率相乘之數。以第二次之第三率一十二除之。則得第二次之第四率四十八也。而三四率內既

用一十二乘。又用一十二除。則乘除皆可省。徑以前三率六為三率。則徑得後四率四十八。為省算也。蓋凡比例。綫與綫可比。面與面可比。體與體可比。綫與面。面與體。不可比也。惟體與體之長闊。高有一數相同者。可以面比之。面與面之長闊。有一數相同者。可以綫比之。此合用比例之三率七十二。為闊六長一十二。相乘之長方積四率五百七十六。為闊一十二長四十八。相乘之長方積。是三率之長。同於四率之闊。故可省乘。而即以闊六長四十八相比也。